



Schweizerische Berufsbildungsämter-Konferenz
Conférence suisse des offices de la formation professionnelle
Conferenza svizzera degli uffici della formazione professionale
Eine Fachkonferenz der EDK | Une conférence spécialisée de la CDIP |
Una conferenza specializzata della CDPPE



SCHWEIZERISCHER ARBEITGEBERVERBAND
UNION PATRONALE SUISSE
UNIONE SVIZZERA DEGLI IMPRENDITORI

sgv  usam



Schweizerischer Gewerkschaftsbund
Union syndicale suisse
Unione sindacale svizzera



Schweizerische Eidgenossenschaft
Confédération suisse
Confederazione Svizzera
Confederaziun svizra

Eidgenössisches Departement für
Wirtschaft, Bildung und Forschung WBF
Staatssekretariat für Bildung,
Forschung und Innovation SBF1

Travail.Suisse

Covid-19/7 – Infurmaziuns dals 30 d'avrigl 2020

Ils giuvenils pon far er quest onn in diplom professiunal cumplain

La Confederaziun, ils chantuns ed ils partenaris socials han elavurà las emnas passadas las basas per ina procedura da qualificaziun en la furmaziun fundamentala professiunala ch'è accordada sin plaun naziunal. En il fratemp èsi dapertut cler, co che la furmaziun pratica vegn examinada: en 194 professiuns vegnan las cumpetenzas professiunalas praticas giuditgadas en furma d'ina lavur pratica. En 39 furmaziuns fundamentalas professiunalas, da las qualas fan part professiuns cun bleras emprendistas ed emprendists, vegn quest giudicament fatg dals manaschis d'emprendissadi. Sin questa basa vegnan ils uffizis da furmaziun professiunala dals chantuns ussa a prender per mauns la realisaziun da las proceduras da qualificaziun ed ad infurmar las persunas pertutgadas directamain. Il gremi directiv «Furmaziun professiunala 2030» engrazia a tut las persunas participadas per lur grond engaschament entaifer in temp uschè curt.

Sut la direcziun dal gremi directiv «Furmaziun professiunala 2030» (SEFRI, Conferenza svizra dals uffizis per la furmaziun professiunala, Uniun svizra da las patronas e dals patrons, Uniun svizra d'artisanadi e mastern, Uniun sindacala svizra e Travail.Suisse) ha ina grupp da lavur elavurà las emnas passadas ina proposta da soluziun per realisar las proceduras da qualificaziun 2020, redigi ils documents respectivs e defini ils process correspundents. Sin questa basa ch'è vegnida elavurada cuminaivlamain da tut ils partenaris ha il Cussegl federal pudì metter en vigur l'ordinaziun correspundenta ils 16 d'avrigl 2020. Malgrà il coronavirus vegnan las emprendistas ed ils emprendists a pudair terminar uschia lur emprendissadi sco ils onns precedents cun in attestat federal da qualificaziun resp. cun in attest federal da furmaziun professiunala.

Bilantscha intermediara positiva

En il fratemp han tut ils purtaders classifitgà entaifer in temp fitg curt e cun in effort remartgabel lur furmaziuns fundamentalas professiunalas areguard l'examinaziun da la furmaziun pratica. Questas classificaziuns èn vegnidas giuditgadas da la Cumissiun per proceduras da qualificaziun da la Conferenza svizra dals uffizis per la furmaziun professiunala ed inoltradas al SEFRI per l'approvaziun. Il resultat conferma la gronda valur da la pratica en la furmaziun professiunala:

- En 75 furmaziuns fundamentalas professiunalas vegn la lavur pratica individuala (LPI) u la lavur pratica prescritta (LPP) realisada en il manaschi d'emprendissadi (varianta 1).
- En 110 furmaziuns fundamentalas professiunalas vegn la lavur pratica prescritta realisada en moda centrala (varianta 2).
- En 9 furmaziuns fundamentalas professiunalas vegnan realisadas la varianta 1 e 2 sco che quai

è previs da las ordinaziuns respectivas davart la furmaziun fundamentala professiunala.

- En 39 furmaziuns fundamentalas professiunalas vegn la furmaziun pratica giuditgada dals manaschis d'emprendissadi (varianta 3). Latiers tutgan las furmaziuns fundamentalas professiunalas cun bieras emprendistas e biers emprendists sco per exempel professiuns dals fatgs da sanadad e da tgira sco er la furmaziun fundamentala mercantila u il commerzi en detagl.
- En 11 furmaziuns fundamentalas professiunalas na datti l'onn 2020 naginas proceduras da qualificaziun. En quest connex sa tracti oravant tut da professiuns che n'han actualmain naginas emprendistas ed emprendists, nua che las emprendistas ed ils emprendists vegnan scolads a l'exteriur u nua che naginas emprendistas e nagins emprendists n'èn s'annunziads per ils examens finals.

Realisaziun tenor plan

Fin ils 27 d'avrigl han ils chantuns gì l'ocasiun da far recurs per motivs epidemiologics cunter las decisziuns da classificaziun dal SEFRI. Guardà sur tut las 240 furmaziuns fundamentalas professiunalas classificadas vegn applitgada la varianta tschernida dals purtaders en passa 90 pertschient dals examens finals d'emprendissadi. Il SEFRI ha approvà per gronda part ils recurs dals chantuns e resguarda uschia las relaziuns chantunalas. Tenor l'ordinaziun dal Cussegl federal vegn la furmaziun pratica giuditgada en quests chantuns automaticamain dals manaschis d'emprendissadi (varianta 3).

Suenter ch'igl è cler, co che las proceduras da qualificaziun vegnan realisadas en las singulas furmaziuns fundamentalas professiunalas l'onn 2020, vegnan ils uffizis da furmaziun professiunala dals chantuns a prender ussa per mauns lur executiun. Las emprendistas ed ils emprendists pertutgads sco er ils manaschis d'emprendissadi vegnan infurmads directamain da lur uffizi chantunal.

Il gremi directiv «Furmaziun professiunala 2030» s'allegra ch'igl è reussì en questa situaziun extraordinaria da pudair realisar en in temp uschè curt ina soluziun cun ina vasta basa ch'è vegnida elavurada cuminaivlamain da tut ils partenaris. E fin ussa han er tut ils termins pudì vegnir resguardads. Il gremi directiv engrazia a tut las parts participadas per la gronda lavur a favur da la furmaziun professiunala.

Contacts

Infurmaziuns dals partenaris da collavuraziun davart corona

<https://berufsbildung2030.ch/de/neues-coronavirus-und-die-berufsbildung-in-der-schweiz>

Posts da contact ed ulteriuras infurmaziuns

- Per ils manaschis d'emprendissadi, per ils centers Ci e per las scolas professiunalas spezializadas è il post da contact anc adina [l'Uffizi chantunal da furmaziun professiunala](#).
- Per purtaders naziunals da la furmaziun fundamentala professiunala e da la furmaziun professiunala superiura è competent [il SEFRI](#). Dumondas davart la realisaziun da las proceduras da qualificaziun 2020 en la furmaziun fundamentala professiunala ston vegnir drizzadas a l'adressa dad e-mail qv2020@sdbb.ch. Giavischs spezial pon er vegnir inoltrads a las federaziuns da tetg naziunalas. Las dumondas las pli impurtantas èn ultra da quai cumpiladas en ina [glista FAQ](#).
- Las emprendistas ed ils emprendists sa drizzan a lur manaschi d'emprendissadi, a lur scola u a lur uffizi chantunal per la furmaziun professiunala.

Gremi directiv e gruppas da lavur

Las acturas ed ils acturs da la furmaziun professiunala vegnan supplitgads da sa drizzar mintgamai a las represchentantas ed als represchentants da lur organisaziun resp. da la represchentanza chantunala.

Adressatas ed adressats

- chantuns (uffizis da furmaziun professiunala)
- scolas professiunalas spezializadas e lavuratoris d'emprendissadi (via chantuns)
- maisa radunda da las scolas professiunalas (via CSFP)
- manaschis d'emprendissadi (via chantuns)
- centers da curs intermanaschials (Ci) (via chantuns)

- portaders da la furmaziun fundamentala professiunala e da la furmaziun professiunala superiura (via SEFRI e federaziuns da tetg)
- scolas spezialisadas superiuras (via SEFRI e Conferenza SSS)